



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三五五

雲汀詩鈔四卷 張賓鶴 撰

古山詩集不分卷古山文集不分卷 鄧正琮 撰

職思齋學文稿一卷 徐葉昭 撰

華海堂詩八卷 張熙純 撰

嫵隅集十卷 趙文哲 撰

汪子遺書十九卷（汪子文錄十卷二錄二卷三錄三卷汪子詩錄四卷） 汪 縉 撰

蓮飲集詩鈔四卷 程瑤田 撰

修辭餘鈔一卷 程瑤田 撰

一

一二七

二六一

二九七

三五九

四四一

六三一

六六三

雲汀詩鈔叙

問雲

竊觀夫往古寒畯之士苟有片言隻語之善即可稱名於當時垂芳於後世者豈其人之力而能自致者歟抑其上有以提携褒荐之其下從而游揚頌導之故也如唐詩集中張籍皇甫湜輩自可槩見焉嗚呼何其盛也今時則不然若遇直躬行道之

雲汀詩鈔

叙

一

士不肯俛仰於時者往々排擠擯棄之不暇何古今相去若是其遠哉錢唐張堯峯者與余交最久性率疎狂不拘細節賦詩飲酒唯意所適其來京師是資章甫而適越也故公卿士大夫鮮有垂盼者堯峯亦不屑焉夫以堯峯之學淵深宏博盡探於典墳邱索之奧姑置弗論即其詩之

古風近體諸作雄渾蒼莽光恠陸離之句

篇中不勝俚指實自成其一家言雖古人無以過之乃不遇於時若是倘使堯峰少修邊幅與時唯否亦可以竊升斗瞻妻子以為暮年娛老之計豈不樂乎舍此之不謀而日以痛飲狂吟之為務竟至於窮老江湖之上三十年間相與知交者不過

雲汀詩鈔

叙

二

數人獨能前後受知於

冰玉及

訥齋兩怡郎斯又何說焉寔因

賢王之好士遺世絕俗賞識於牝牡驪黃之外而堯峯之自負瑰奇磊落不拘於尋常繩尺之中故能相尚以道若孟東野賈浪仙諸人非其流亞歟噫堯峰既

沒今

訥齋怡邸恐其詩文將至泯也遂彙之成集而授之剞劂余深感於怡王訥齋待其始終之厚意又幸堯峰之姓氏藉傳不朽故樂而為之序



雲汀詩鈔

叙

三

余弱冠時仿我



先王因見浙東雲汀居士即心識焉是時往來邸中者皆知名之士而雲汀獨不拘於形迹弓疎遠曠達之氣益

雲汀詩鈔

叙

一

器重之時雲汀知交最廣名聞宇內者中能詩之士相交接者必多故雲汀之善著述工詩律余可弗庸贅言然其生平潦倒上人之去之

非特余為之惋惜也既聞王
穀世乃念其詩詞流傳者雖
多未得見其全集為憾
適明公我齋甚稱至雅誼
有合於余心且早知與雲汀

交最深而情弥篤凡有茲比
每多存留共相砥礪因索觀
其遺稿欣喜無盡已酉夏
寓滬易邀象高代為釐
定以付剞劂不宣歲月易徂

勿者又三年矣今歲秋出
我齋序以冠首且見從前
先王之崇獎斯文不止於詩
詞已也余學業久無愧不能
文追憶曩昔有觸於懷故

屬梓人速成其事不使鴻篇
鉅什淪然泯沒是刻也非曰
廣諸同心正以慰雲汀於地
下云爾

乾隆辛亥秋日



雲汀先生小像



雲石吳煒摹圖

雲汀詩鈔

像

雲汀先生與余為三世交矣早歲負詩名游四方入都後受知於
 怡王冰玉主人逾十數寒暑南歸後松手江淮詩愈其家健殆昌
 黎而云醇而後肆者與至性情骨次嶸崎歷落所養彌
 純益歎

主人鄭重斯文之有以也庚戌秋余來京師即寓

怡王訥齋主人之芳陰別業每朝夕過從言及當年唱和時

主人未嘗不感慕有威焉適值刻雲汀詩稿煒忝與雲汀

深交因摹其小像於序後蓋欲依

主人未光以貌雲汀者正壽雲汀爾

海州吳煒謹識



雲汀詩鈔

錢塘張賓鶴仲謀

四言詩

蓮池十二詠

伊古蓮池有堂有宇中有坡陀石蹲龍虎駢羅紅
 藥枝葉媚嫵花暖春深天高日午

右春午坡

高樓有建其卷斯萬氣壓鄴侯卓瑩柔翰古訓是

雲汀詩鈔

卷首

十

式宸章是煥棟牖雲霞軼於天半

右萬卷樓

序賓有堂花南研北衍樂飲酒戀繆春色青藤烟

籠芳樹庭得灑茲幽襟託意毫墨

右花南研北草堂

乃臨高芬高芬細縕芙渠出波平鋪紅雲風傳香

遠如百和熏坐清涼國見雲中君

右高芬閣

飛梁跨水青天垂虹人行影倒魚遊鏡空可理烟
艇可設釣筒嚙能作賦似相如工

右宛虹亭

池西一曲言集于鶴衣翻雪明聲振秋落有時閒
眠獨拳一脚翮健不飛自娛雲壑

右鶴柴

紺宇斯啓蓮披玉蕊磬度深竹禪悟一指大乘小
乘若注池水現蓮花身得清淨理

雲汀詩鈔

卷首

一二

右蕊幢精舍

栽栽層樓思樂在蒸俯臨淵潛高切雲表鉤簾初
月破碧飛鳥假日銷憂於焉登眺

右蒸泳樓

如砥斯直射義有釋乃具三耦乃挽百石花映壩
雲羽飲巖碧神妙獨到不數中戟

右釋堂

颯然似秋軒有寒綠翠逼枕簟首憂璫玉赤日宜

午盛暑不溽誰云一日可居無竹

右寒綠軒

石壁有洞厥名篇畱既矣既奧既深既幽朱文綠
字薑尾銀鉤龍威是守六丁焉求

右篇畱洞

一泓之水中含溟滄須彌大矣芥子能藏或盟鷗
鷺或羨鯉魴從來謝傳邱壑難忘

右含滄亭

雲汀詩鈔

卷首

三

平金川詩

赫赫我 皇天地合德以清以寧暘雨罔忒大開
明堂奔走萬國寄象譯鞮陸轡水慄么磨西川萌
芽寇賊鍛礪戈矛紛騰猱獠天狗癡蟆日月或蝕
莠莠不穉威嚴不植 帝赫斯怒其咨其敕曰有
股肱而宣而力任賢實難方命是殛爰有良臣衛
霍之室衣德戴仁捐骸恐失長跼請師撫肌誓臆
帝曰俞哉戎兵克詰汝維徂征師出以律虎旅

千人龍驤萬匹長驅洋洋旗牙變色我鼓我鼓我
奮我卒暮布星羅指麾不惑桓桓將軍有嚴有翼
殲厥渠魁曰梁爾吉蠻酋窘窮謂自罹畢齊挈其
羣頰首耆耄覲覲怵笑啼啾啾將軍通明權衡
虛實拜表稱賀曰有苗率 帝心仁愛庶草咸殖
昏迷宜劉欵誠宜惻芟夷其根無乃心盡迺而活
之威於鈇鉞爰 命還師橐弓走駟同我太平歌
譁耳溢英英將軍剛而不愎士有共餐車無載蕙

雲汀詩鈔

卷首

四

山鑿川奔雨沐風櫛況瘁僕夫敢告拮据既奏膚
功流謙抑抑 帝曰汝恒汝功第一以忠以勇金
石可質大哉 王言建其有極錫以上公庸勲是
則言念蠻酋狐梟鬼域不有 天子其何能恤不
有將軍其何能克自茲寰宇永洗塵沕努力
廟謨所其無逸 元后賈聰麗臣秉直政治睢麟
風存蟋蟀銀甕金船麇至駢出海靖洪濶民恬修
日乾清坤夷以康萬億

五言古詩

南軒讀書

南軒雙老樹葉密蔭四隅有鳥鳴其間清音良可
娛手把一編誦心獨與道俱古言森包纏高議起
憚愚磊落羣聖文光於照乘珠朱紫不足美詩書
有奇模人生貴達命勿爲塵事驅坐樹以終日悠
哉樂唐虞

晚渡楊子江用權德輿韻

雲汀詩鈔

卷首

五

扁舟截江行一葉任風漾落日射波深涵泳暈萬
狀金焦如雙鷗浮沉雲水上樹浮攢青薺山遠淡
寒漲秋清烟景徹陽候靜無浪浩歌發中流幽懷
自超曠瓜步月色來美人渺在望

遊盤山三首用儲太祝遊茅山韻

三盤亘薊北蒼翠含奇芬刻畫露崖巖不與羣峯
羣天風腋我上靈籟空中聞白日若可掇秀色難
爲分手持九節杖履底生仙雲松栢導清聽探歷

忘晨曛

我有愛山癖嘯傲泉石間朝與麋鹿遊夜宿招提
閑興酣賦新詩筆落凌屏顏千綠與萬紫夕陽搖
空山俯首隘齊州鳥點孤雲還丹靑落天鏡不用
圖荆關

鬱鬱中嶺秀石函藏丹書山靈喜我來天籟呈空
虛局促嬰塵戰愧彼牧與漁誰能歌招隱樂是山
中居擺落澹俗慮遊心還太初無終子已矣仙踪
焉可如

雲汀詩鈔

卷首

六

題宗室依杏邨詩卷

王孫天麒麟卓犖多奇操有才璫璵美有筆崆峒
高跌宕獵文史肝腎窮鏤雕萬象困陵暴高步追
風騷性情屬霄漢意氣何雄鷺譬彼渥洼姿一空
凡馬驕又如鷹隼疾不繫籠中條詩酒恣奇倔狂
歌發清謠哀絲與豪竹一一搜啁噍達觀洞今古
浮世任咄咄功名兩雞肋榮華一鴻毛以茲悟生

理長醉餽醕糟眷言竹林勝念彼山王曹子亦不
羈人振衣許同調

叶

結社君之廬戰詩羅英髦或

探領下珠或奪樓前袍筆陣千氣象斗杓光搖搖
惟君喜敏捷落紙飛蛇蛟暇日出舊作邀予爲題
標一卷冰雪文和雅諸咸韶快如并州剪蚌得麻
姑搔赤手降於菟鴻音廢蟬蛸閒情寄錦瑟春風
愁紅蕉方將掣鯨魚已自輕蘭若朱紵遺兩漢綺
靡淫六朝光焰肆甫白寒瘦疲島郊君其審流孤

雲汀詩鈔

卷首

七

元著行超超須以獨角麟觸彼狂狐妖娟采椽
兒金彈拋林梢睥睨小文字紅裙醉嬌嬈安得與
王孫涇渭同波濤顧予泛萍梗與君投漆膠敢云
相磨砥狂惑慙招邀放筆爲此詩供君幾傲謝太
華納土壤始得瞻岩巖懷哉千古事先民欽芻蕘

古風一首贈東峯宗室

卓哉東峯君偉貌髯栩栩龍種殊常倫翔步中鉤
矩氣如秋霜肅和如春風煦直如朱絲絃清如白

鳳羽眼力窺天奧愛奇復嗜古說禮敦詩書淵雅
有述祖君家玉池生雄才許雕虎文陣握靈蛇詩
律儼黃鼓目空冀北羣名壓城南杜更有紫幘翁
佩玉襲華組聲鏗九乳鐘力挽千鈞弩祇今鉅麗
篇粲粲照懸圖君實相繼生圭璋挺文府青本出
於藍詩流標砥柱垂露筆非秋戴笠日卓午希踪
北海豪願作風騷主遂立詩酒壇儒生富鄒魯高
才多不羈軒軒若遐舉或手撫瑤琴或談揮玉塵

雲汀詩鈔

卷首

八

或揚鸛鷀杯或學鵲舞歡呼雜嘲諷興會橫堂
宇衆賓毫翰飛迅疾挾風雨君以手撚鬚兼以指
畫肚忽然清光來牟尼貫如縷曹劉氣已吞絳灌
未敢伍以茲燕天儼那用鍊石補性好人譏彈磬
折躬偃僂芻蕘妙語言岫嶠納塵土臙臙七寶月
曾不辭斤斧落落冲虛心可以鎮莽鹵君已表流
謙子又起踵武即君杏
卿工詩詎知千秋業獨讓一門聚
冬即超韓宗小坡衍蘇譜誰能陟崇岡瞻此喬梓

樹文藻有淵源令德在纘緒團團驪龍珠輝煌滿
銀浦

登黃鶴樓

千秋黃鶴樓巍哉赫宏敞攀登遂平生冥搜窮俯
仰天地羅心胷頃刻周萬象東南雄金華建標霞
十丈石門何峭崿敵開朗爽橫空雲卷舒仙笛
送清響大江接混茫波濤軒澎湃遠航信蒲帆輕
舸曳蘭橈日抱鼉鼉遊風弄鱗鯢蕩端倪悉呈露

雲汀詩鈔

卷首

九

幽怪難別像烟波浩無際滔滔江漢廣鐵鎖截洪
流霸業若唾掌祇今世代謝嶠冢方濤蕩庾樓久
湮翳荆臺委荒莽寂歷漁陽颺孤洲氣青蒼陳迹
盡流傳撫事多慨慷曠覽脊彌重搔首集遐想人
生如蜉蝣能着展幾輻重臂與鼠肝形骸逐塵鞅
何當振羽翰蕭灑摩霄上

贈陸二飲兼紀勝遊

士龍不羈人高視萬物表四庫推筆鋒衆藝洩天

巧其息何深深其性何浩浩端如天廐龍一歎驚
駘倒軒然辟雞鶴奇翮拂雲矯風標照鄉邦采采
揚羽葆張南與周北握手苦不早未識氣先感一
日腸萬繞我久託萍蓬君今思遠道忽來漢之濱
傾蓋寫懷抱霧目得金鏡一刮眸子瞭歡言如飲
醇瀾翻勝投綯遺我黃鶴詩豪健壓郊島何物凡
蔡經搔背遇仙爪時當春之初酣酣正晴昊振衣
試春遊觸物多眷嫺聞說伯牙臺蒼蘚迹未埽幽

雲汀詩鈔

卷首

十

尋信可愜石路青且悄涓涓春泉流清音寄空杳
千秋一琴絃高風竟誰紹追賞景不延落日送歸
鳥大別烟蒼茫盤空鳳凰山名小託興正未闌頗覺
所歷少夜登漢南樓江靜波淼淼涵泳一天星
點漁火燎月出光爛爛莫辨昏與曉歸來飲太白
揮杯噉脯棗肝肺得酒澆槎牙生竹篠看君埽數
竿清闕霜節標明朝遊黃鶴逸興挾天藻憑弔萬
古愁太息世路拘結友子似抗論交我慙鮑幸各

富春秋奮志卷海濂方當廟堂資慎莫風塵老念
茲復在茲榮名以爲寶徵詩君莫誚瓊玖志永好

登攝山用權德輿韻

策杖尋攝山登臨任遐矚却顧所來徑白雲翳空
曲千佛合光輝磊落繪山腹石仄臺殿橫秋高松
桂馥飛泉漱乳白遙江飲山綠窮探而極討怡悅
盪心目何峯梵唄來清磬度深竹冷然遺世情未
覺遊暑促齊梁隨飛烟山川澹無欲田疇自成歲

雲汀詩鈔

卷首

十

天風稻梁熟我思拾瑤草高步謝羈梏殫霞以忘
年美月巖際宿

穿衣鏡和任齋太史韵

漢鏡百有二一文銘背蛟龍互結蟠卽卽復磴
磴模糊半癡抵欲辨等祿藏土暈蝕銅花其色青
於黛穿衣鏡製新潔若龍泉淬稜稜列座隅照眼
菱花碎神光離合間精魅六鷁退激心而定志此
理非茫昧振衣盤薄時形影相與對對之歛精魂

可以蕩瑕穢敦傳戊與丁鼎有周兼戴古物偶然
存華靡侈近代卽此一鏡微已覩風俗槩豪家耀
光明志士多慷慨吁嗟乎蒼生寒饑不可耐誰能
鏡至清獻照息羣喙日月天德明濟物歸善貸高
詠金鑑篇推解想君輩

贈顧小韓用杜少陵送顧八分文學韻

鰕生驚帖括大雅日凋瘵偉哉顧虎頭磊磊軒天
地手欲埋崩濤巨靈森蟲鼠雲霄六翮奮飄飄千

雲汀詩鈔

卷首

主

里至風塵倏相值傾蓋識旅次君才粹而精君性
純不二渾然百鍊剛貞乃十年字跌宕富文史家
學羅淵秘落紙爲詩歌筆鋒挺犀利斗酒吟百篇
雄談見精粹醉中喜揮毫飛動岳麓寺

小韓工書
學李北海

脫畧小時輩矜尙不余棄許余壇坫間瀟灑共飛
轡落落青雲交古道今不墜雲雨手翻覆千秋一
隕泗以君瑚璉姿骨重廊廟器躡足登天梯立躋
金紫位胡乃局轅駒而令駟駿躡啾啾斥鷃羣未

識黃鵠志浩歌復慷慨縱橫氣莫遂酒酣擊唾壺
指揮鈇如意疎曠任天真擲掄但詠崑崙巖紛旅
食日月感清駛我苦饑來驅筆耕偶備吏狂來寫
鬱陶豁達露奇恣臨淵亦羨魚欲設釣鰲餌春風
長安陌舉舉探花使連鑣如可期蹀躞青驄試心
跡自雙清肝膽泯同異榮名以爲寶古語出深致
無爲甘貧賤微吟徒擁鼻

雜感八首

雲汀詩鈔

卷首

三

逖迹守蓬蒿達命自在我栖栖逐風塵無乃計太
左榮名五情熱醫之費藥衰落寡寡所營焉得絀
韁鎖

萬象窮鏤雕造物恣其如靈均一何愚乃謂天可
愬咄哉楊阮徒相與慟岐路憤憤復蒼蒼疇能包
世度

如脂而如韋志士易其節柔顏承之羞炙手借餘
熱寧知許史廬苑枯驚一瞥古井平不波中有寒

泉冽

昔我遊名山恨不窺大酉愧彼獺祭魚搏撿衣露
肘鵬背負青天飄飄遇希有與之高韻頗曾乞飛
霞否

蛟龍卧重淵莫測千萬丈一朝怒而飛氣逐風雲
上羣龍躍清池亦有閣閣響鐘鼓不在懸聊作笙
歌想

高士憐麴蘖日飲傾一甌肝肺何槎牙無事效犀

雲汀詩鈔

卷首

西

首世有多牛翁那復羨雞口屠龍虛千金操刀試
屠狗

矯矯渥洼姿龍媒長八尺俯首服短轡但憂四蹄
瘠飾以黃金羈騰蹕天地窄龍性誰能馴萬里任
所適

爾雅箋蟲魚已非磊落士猶勝呼牟盧百萬輸一
技日月驚跳丸波濤揚海水身世竟悠悠餅壘獨
貽耻

雜感七首

耿介平生懷讀書慕清烈思與威鳳翔手探猛虎
穴談風珠玉生意氣寶刀折鉛割徒運用何能振
疲茶因人以成事諒非奇士節虛聲難盜竊此言
容一雪

我志在江湖乘槎尋漢源秋風洞庭波上溯湘與
沉沉沙弔三閭椒漿薦蘋蘩誰知中讒忌騷屑誠
難論青蠅飛營營玷彼璵璠磨蝕屬身命思之

雲汀詩鈔

卷首

五

中心煩飄然下黃鶴卽事多所患六翮有時鍛萬
里遲飛騫匪石不可轉匪海不可涸

小人計其功君子道其常卓哉孫卿論莫與高韻
頽百鍊化柔繞劍鋒挫其芒朝過惶恐灘暮過零
丁洋日事艱危中年華負堂堂鵠先秋鳴坐歇
百草芳翩翩下坂輪摧于九羊腸我歌行路難調
苦搜寒螿飄蓬爲誰雄跋扈而飛揚
春夢亂無次不知朝日出栩栩蝴蝶飛我形忽與

一局東塵寰中思挾幻仙術手把昌蒲花香嗅婆
檀律苦乏大藥資善屬維摩疾俯仰未得所一日
復一日腐鼠空啣薑蠹簡徒咄畢傷心如杜鵑欲
叩殷七七

天地有朔晦不與朝菌知梅花苦幽獨正及東風
時物性不可奪吾生良有涯歡言賞清酒酩酊娛
今茲同心四五人燦燦瓊林枝識曲聽其真無成
亦無虧春生花芳蕤得意乘纖離

雲汀詩鈔

卷首

六

驕人屬貧賤此語胡太卑傷者重氣節表表垂五
知大道似弦直休效岐路悲相驚綬綬若若相駭印
纍纍可憐拙面目欲作媚世姿不如入羊羣化爲
千左慈無象亦無迹免我感素絲

少小尙奇偉老大多愆尤雷同與苟得俯仰良獨
羞固知齒牙慧當慕舌爲柔一縱而一橫母乃太
拙謀尙須緘其口莫令伺覺讎悟彼兩蠻觸天地
眞吁嗟

將赴燕平留別諸子

別緒何蒼茫有似風旌亂離離復脉脉中情但縈
縈偶爾千星分忽作風雨散風雨雞鳴交心邇地
非遠淒涼負米懷慷慨投筆歎強移棲一枝鴻溝
判楚漢去去勿復陳路難長傍人

題常蒼谷先生種菜圖

峨峨蒼谷公赫赫開平後矯矯社稷臣宛宛經綸
手奮舌動天意獻可而替否撫劍提天綱募士禁

雲汀詩鈔

卷首

七

闔守吁嗟滄桑易半壁猶壓壓紐胡爲阮馬徒狐鳴
與梟吼抗疏摘其奸凌厲嚴鞭枉神州竟陸沉思
與彭咸友恭聞徐夫人挽出波濤口甘彼偕隱心
慕此翼缺婦荒哇自鉏理勤思在終畝秋風披夕
葵夜雨剪春韭傷心拜杜鵑埋名樂緇叟追思鼎
革時萬事無不有乾坤兩浮萍王侯一芻狗落落
高蹈心可以鎮羣醜千秋史筆垂亘古名不朽至
今鍾阜雲鬱鬱猶冲斗

集董浦太史桂堂同人分詠水經注事得飛

廉石棺木客吟

飛廉生西戎天性本善走重趺力不辭竊獨事殷紂吁嗟亂之生紂實誰左右胡天佑亂人使不蒙亂垢橫空降石棺致命遂正首銘詞示崇褒俾令昌厥後咄哉事不經顛倒失臧否厲階太史筆荒誕道元叟無端援天神亂賊接踵有始知聖人沒世無刪定手當年海隅戮殘鬼有餘忸子輿稱好

雲汀詩鈔

卷首

八

辯懲亂良不苟莫釋譙周疑耶哆鄒衍口

句踐長於越霸業垂至今胡爲疲民力遂此傾吳心使工伐榮楯浚谷傳幽音捫蘿琢脩榦懸磴披穹林不日亦不月山中久滯滯滯一何久懷歸一何深勞者遂成歌木客流哀吟吟哀感墟里憂思不可禁休哉綏四國誦詩良足欽

海棠和壽莘老韵

春至百卉坼有如山泉蒙濯濯海棠樹一枝高玲

瓏飢眼動凝碧古幹欹深紅絕豔自驚異照耀東閣東嫣然笑而燦桃李焉得同靜女姿窈窕柔香生房櫳翠袖卷紗縠饒有富貴風我來倚樹久玩賞情何窮頓忘寄羈旅一掃愁顏空安得化蝴蝶夢宿深深叢

己卯初夏偕莘老桐參遊惠山昔東坡與秦

太虛參寥子曾遊此用唐處士王武陵竇

羣朱宿韵各賦三首遂次韵如數

雲汀詩鈔

卷首

九

迢迢九龍山縈迴氣清蒼榜舟恣超越遂入漪瀾堂樹古紛扶疎風微片雲翔捫蘿躋冢頂遙延太湖光下視麥穗秀拂拂餅餌香斯境絕人境可遊不可忘

山僧頗愛客山鳥時呼人因攜白雪芽烹此一掬新在山泉水清石瘦光磷磷照我眼中碧滌我胃中塵春松正華茂濤起如秋旻便擬買山隱永結烟霞鄰

落日開烟鬟金碧耀林樾塔勢摩蒼穹景色最奇
絕亂帆帶霞飛孤鳥破雲滅誰能屏塵事手弄石
上月嘗聞玉局仙清興亦屢發我輩澹蕩人千載
可同轍

遊虎丘用東坡韻

朝登海湧山初日照東嶺湛盧已久飛白骨翳苔
井池水何泠泠虎氣尙耿耿昨宵驟雨過草際亂
蛙黽吾聞小顏公大筆留古壙四字偕華星蛟螭

雲汀詩鈔

卷首

壬

而龍猛又聞老禪伯雄辯妙舌騁精誠通山靈故
鬼發哀哽世事隨雲烟萬古惜俄頃英雄論霸王
一笑令齒冷我來首夏時坐覺芳意永山色浮修
眉天宇呈霽景灌木儼旌麾千章散清影相賞忘
其疲不教俗人請

酬魏玉橫卽次見贈元韻

魏子賢且藝逸氣凌八區手提玉界尺胷有摩尼
珠豫章大夏材車蓋紛扶蘇朝宗四海水浩蕩流

江湖風雅日周謝嗶咩而啼狐惟君耽博奧高文
自嬉娛騎鯨遊汗漫巨力排天吳興到但飲酒相
對月與吾紈袴不足數未誤儒冠儒酒酣神益王
其思求于子清詩繼二謝麗賦侔三都以茲大海
鵬青天看搏扶胡爲戢其翼乃共雞鶩趨舉世漫
相識奮臂誰一呼論交得鮑子知君其庶乎鮑綖
飲爲

之刻嶺雲詩
鈔一卷行世

量力守故轍聽說任道塗

登金山歷覽諸勝用雅雨山人韻

雲汀詩鈔

卷首

壬

大江從天來宇宙任浮泊入我胸臆間萬里誰量
度金山峙中泠其勢千丈落西橫瓜步雲東帶潤
州郭魏巍聳蓬宮香巖列蘭若試登塔頂望眼碧
盡寥廓時聞閭闔風搖動琅璫鐸神酣興欲飛解
衣恣盤薄拾級探巖幽刻露見峻嶒太息裴頭陀
於焉此棲託堂堂大叢仙妙筆留製作安能築糟
邱邀爾坐天幕風流迹未陳江山景如昨休爲雍
門哀且共爽鳩樂浩歌妙高臺長嘯江天閣山僧